

2018-imi innuttaasut ilinniagaqarnerisa nalunaarsuutaat

Saqqummersitami uani innuttaasut ilinniagaqarnerisa kisitsisitigut paasissutissaat atorlugit innuttaasut ilinniarsimanerisa qaffasissusaat ilinniarnersalu isikkuat takuneqarsinnaapput.

Innuttaasut ilinniarsimanerini allannguutit taamaallaat piginnaasaqalersitsisumik ilinniagaqarsimanernik ersersiytsinngillat Kalaallilli Nunaannut nuuttartut aamma Kalaallit Nunaannit nuuttartut ilinniarsimasaasa qaffasissusaat aamma sunnertarpaat. Innuttaasut ilinniarsimanerisa qaffasissusaat aamma inuit toqusut ilinniagarisimasaanit sunnerneqartarput.


Ilinniakkat qaffasissusiisa nalunaarsuutaat nalinginnaasumik innuttaasuni inuusunnerusuni matussusiinerusarput. Taamaattumik ilinniakkat qaffasissusaanni qaffariaatip ilaa ilinniakkat naammassineqartut annertuumik matussusiinerulernerannik peqquteqarsinnaavoq (saqqummersitami periaatsimut nassuiaat takuuk).

Meeqqat atuarfiannit qaffasinnerusumik ilinniarnermik naammassinnissimasut

2018-imi innuttaasut 16-it 74-illu akornanni ukiullit 38,0 pct.-ii meeqqat atuarfiannit qaffasinnerusumik ilinniagaqarsimapput, ukiut qulit ingerlanerini 6,8 pct.-inik qaffallutik.

Taakkunannga 11,0 pct.-it ingerlariaqqiffiusumik ilinniagaqarsimapput, 26,9 pct.-illu ilinniarnertuutut, inuusutissarsiornermi ilinniarnermik imaluunniit angusanik qaffassaanermik ilinniagaqarsimapput. Tamanna ukiut qulit ingerlanerini 1,8 pct.-inik aamma 5,0 pct.-inik qaffariarneruvoq.

Titartagaq 1. 2008-miit 2018-imut innuttaasut qaffasinnerpaamik ilinniagaqarsimassusaat




Nassuiaat: Ilinniarnertuunngorniarni inuussutissarsiornermilu ilinniarni angusanik qaffassaanerit ilaapput. Najooqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROD>).

Arnat akornanni ilinniarsimassuseq qaffasinnerusoq

Arnat amerlassusaat eqqarsaatigalugu meeqqat atuarfiannit qaffasinnerusumik ilinniagaqarsimasut amerlanerupput. 2018-imi arnat 40,9 pct.-ii inuusuttunut ilinniarfimmik imaluunniit ingerlariaqqiffiusumik ilinniakkamik ilinniagaqarsimapput, angutillu akornanni pineqartunik ilinniagaqarsimasut 35,3 pct.-iupput.

Assigiinngissut annerpaaq ingerlariaqqiffiusumik ilinniarnermiippoq. 2018-imi arnat 13,9 pct.-ii ingerlariaqqiffiusumik ilinniagaqarsimapput angutillu 8,5 pct.-iusimallutik. Ukiuni kingullerni qulini arnat akornanni ingerlariaqqiffiusumik ilinniagallit amerlanerupput. Ingerlariaqqiffiusumik ilinniagaqarsimasut akornanni professionsbachelorit amerlinerpaausimapput.

Titartagaq 2. Innuttaasut (16-74-inik ukiullit) meeqqat atuarfiannit qaffasinnerusumik ilinniagaqarsimasut amerlassusaat, suaassuseq ukiorlu malillugit




Nassuiaat: Inuusuttunut ilinniakkani ilinniartuunngorniarnit, inuusutissarsionermik ilinniarnit aammalu angusanik qaffassaanit pineqarput.

Najoqqutaq: Naatsorsueqqissaartarfik – Kisitsisaataasivimmi kisitsit takukkit (<http://bank.stat.gl/UDNISCPRG>).

35-t 39-llu akornanni ukiullit meeqqat atuarfiannit qaffasinnerusumik ilinniagaqarsimassusaat qaffasinnerusoq

2018-imi ilinniagaqarsimasut annertussusaat 57,4 pct.-imi annertunerpaalluni 40-t 44-llu akornanni ukiullit tikillugit qaffappoq. Innuttaasullu utoqqaanerusut akornanni ilinniagaqarsimassuseq appariaqqippoq. Ilinniagaqarsimassutsilli qaffasissusaanut nalunaarsuutit innuttaasunut inuusunnerusunut nalinginnaasumik matussusiinerupput.

Titartagaq 3. Innuttaasut (16-it 74-illu akornanni ukiullit) qaffasinnerpaamik ilinnagaqarsimassusaat ukiuisa agguataarneri malillugit, 2018



Nassuiaat: Inuusuttunut ilinniakkani ilinniartuunngorniarnit, inuusutissarsionermik ilinniarnit aammalu angusanik qaffassaanit pineqarput.


Najoqqutaq: Naatsorsueqqissaartarfik – Kisitsisaataasivimmi kisitsit takukkit (<http://bank.stat.gl/UDNISCPRG>).

Sumiiffinni assigiinngitsuni ilinniarsimassuseq

Nuna tamakkerlugu agguaqatigiissillugu ilinniagaqarsimassutsimut 38,0 pct.-iusumut naleqqiullugu Nuummi ilinniagaqarsimassuseq annertunerpaavoq, tassani innuttaasut 52,0 pct.-ii meeqqat atuarfiannit qaffasinnerusunik ilinniagaqarsimammata. Tulliupput Qaqortoq aamma Sisimiut 40,0 pct.-inik aammalu 38,3 pct.-inik annertussuseqarlutik nuna tamakkerlugu agguaqatigiissitsinermi qaffasinnerusumik inissisimasut.

2018-imi sumiiffinni meeqqat atuarfiannit qaffasinnerusumik ilinniagaqarsimassutsit Ittoqqortoormiini 18,6 pct.-imiilluni Upernavimmilu 16,1 pct.-imiilluni appasinnerpaasimapput. Ummannami, Kangaatsiami, Qaanaami Tasiilamilu aamma innuttaasut meeqqat atuarfiannit qaffasinnerusumik ilinniagaqarsimassusaat sisamararterummit annikinnerusimapput.

Titartagaq 4. 2018-imi sumiiffinni innuttaasut (16-it 74-illu akornanni ukiullit) qaffasinnerpaamik ilinniagaqarsimassusaat



Nassuiaat: Ilinniarnertuunngorniarluni inuussutissarsionermilu ilinniarnerni angusanik qaffasaanerit ilaapput.
 Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROE>).

Eqikkaaneq

Tabel 1. Innuttaasut (16-it 74-illu akornanni ukiullit) ilinniarsimasaat qaffasinnerpaaq

	2003	2006	2009	2012	2015	2018
Meeqqat atuarfiat	28.684	28.530	28.423	27.599	26.420	26.113
Ilinniarnertuunngorniarneq	1.041	1.115	1.269	1.619	1.934	1.997
Inuussutissarsiornermik ilinniarneq ..	7.179	7.476	7.851	8.330	8.704	8.973
Angusanik qaffassaaneq	51	104	167	208	293	357
Ingerlariaqqiffiusumik ilinniarneq naatsoq	790	841	866	963	992	1.043
Bacheloritut ilinniarneq	102	120	158	202	240	257
Professionsbacheloritut ilinniarneq ..	1.957	1.979	2.049	2.279	2.394	2.348
Kandidatitut ilinniarneq	661	761	807	911	1.029	961
Phd.	17	20	29	37	38	37

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNISCPROD>).

Periaaseq

Siunertaq

Innuttaasut ilinniagaqarnerisa kisitsisitigut paasissutissaat atorlugit innuttaasut ilinniarsimanerisa qaffasissusaat ilinniarnersalu isikkuat malinnaavigineqarsinnaapput. Innuttaasut ilinniarsimanerisa allanngornerisa taamaallaat piginnaasaqalersitsisumik ilinniagaqarsimanersut ersersinngilaat Kalaallit Nunaannut nuuttartut aamma Kalaallit Nunaannit nuuttartut ilinniarsimasaasa qaffasissusaat aamma sunnertarpaat. Innuttaasut ilinniarsimanerisa qaffasissusaat aamma inuit toqusut ilinniagarisimasaanit sunnerneqartarput.

2018-imi kisitsisitigut paasissutissat allanngorput, innuttaasut 16-74-inik ukiullit kisimik tabelini kisinneqarmata. Innuttaasullu ilinniagaqarsimassusaat nunanut tamalaanut sanilliunnissaa taamaasilluni ajornannginnerulerpoq. Taassuma saniatigut ilinniagaqarnerisuteqartitsiviup ilinniartunut nalunaarsuisarfianit Kalaallit Nunaanni ilinniaqqittunut, politiinngornianut inissiisarfimmilu paarsisunngornianut nalunaarsuutit nutaat ilanngunneqarput.

Nalunaarsuutit tunngaviusut

Kisitsisitigut paasissutissat nalunaarsuutit ataani taaneqartut tunngavigalugit suliarineqarput:

- Ilinniagaqarnerisuteqartitsiviup (USF) nalunaarsuisarfiani ilinniakkanik naammassinnissimasut nalunaarsuutaat.
- Danmarks Statistik-ip nalunaarsuisarfiani qallunaat ilinniarfiini qaffasinnerpaamik ilinniakkamik naammassinnissimanerit nalunaarsuutaat.
- 2017-imi politiinngorniarfimmi Nuummiittumi politiitut ilinniarsimasut nalunaarsuutaat.

- 2016-imiit qummut Nuummi inissiisarfimmi paarsisutut ilinniarsimasut nalunaarsuutaat.
- 2010-p tungaanut Kalaallit Nunaanni ilinniakkanut nalunaarsuutit, USF-i avaqqullugu Naatsorsueqqissaartarfimmit aaneqartut.

Ilinniagaqarnersiuteqartitsiviup (USF) ilinniartunut nalunaarsuisarfiani ilinniakkat ilinniagaqarnersiuteqarfiusinnaasut kisimik nalunaarsuuteqarput, taamatullu Kalaallit Nunaanni ilinniarkinut ilinniaqqittut 2014-imi aatsaat paasissutissaqalerlutik.

Ukiut tamaasa Naatsorsueqqissaartarfik Danmarks Statistik-imit qallunaat ilinniarkinut innuttaasut qaffasinnerpaamik ilinniagarisimasaannut nalunaarsuutini pisarpoq. Nalunaarsuutini malittarisassaq ISCED2011 atornerpoq. Ilinniakkat naammassineqarsimasut Danmarks Statistik-ip ukiut tamaasa oktobarip aallaqqaataani naatsorsortarpai.

Kalaallit Nunaanni ilisimatuunngorniarnit, qallunaat Naalagaaffiata Kalaallit Nunaanni ilinniakkat ingerlatai (politiinngorniarnit inissiisarfimmilu paarsisunngorniarnit) aammalu suliffeqarfiit namminneq ilinniakkat neqeroorutaat USF-ip ilinniartunut nalunaarsuisarfiani ilaanngillat. 2018-imi naatsorsuinermi 2016-imiit qummut inissiisarfimmi paarsisutut ilinniarsimasut aamma 2017-imiit qummut politiinngorniarnit ilinniarsimasut nalunaarsuutaat katersorneqarlutik nalunaarsuutini tunngaviusuni ilanngunneqarput.

Siornatigut Naatsorsueqqissaartarfik Kalaallit Nunaanni ilinniakkanut “Non-USF”-iusumik nalunaarsuisarfimmut nalunaarutini suliffeqarfinnit pisarpoq. Nalunaarsuisarfik tamakkiisuunngilaq, 2010-ili tungaanut nalunaarsuutini imaqarpoq innuttaasut ilinniagaqarsimassusaannut kisitsisitigut paasissutissani ilanngunneqartunik. Ilinniakkat pineqartut massakkullu ilinniakkat akornanni ilaanngitsut tassaapput Air Greenland-imi timmisartumi saqisunngorniarnit, assartugalerisunngorniarnit aammalu Mittarfeqarfinni AFIS-operatørinngorniarnit isumannaallisaanermilu sulisunngorniarnit. AFIS-operatøritullu ilinniarnit kisimi Ilinniartitaanermut Naalakkersuisoqarfimmit akuerisaavoq.

Periaaseq

Ilinniartunut nalunaarsuisarfimmi nalunaarsuutit ukiut tamaasa ukiunut pingasunut kingumut uterlugu ilinniakkamillu naammassinniffik ulloq malillugu, aqqissuuteqqinneqartarput. Tamanna siunissami ilinniartitaanermut kisitsisitigut paasissutissat saqqummersinneqartartut assigiissaanerulernissaat anguniarlugu kingusinaartumillu nalunaarsuinerni allannguinerit eqqarsaatigalugit, pisarpoq.

Ilinniagaqarsimanermut paasissutissat Kalaallillu Nunaanni inunnut nalunaarsuisarfiup ataatsimut ingerlatinnerini Naatsorsueqqissaartarfimmi innuttaasut ilinniagaqarsimassusaat suliarneqarsinnaalerpoq. Innuttaasunut nalunaarsuisarfik ukiup tulliani januaarip aallaqqaataani

naatsorsorneqartarpoq, innuttaasullu qaffasinnerpaamik ilinniakkat naammassisimasaat oktobarip aallaqqaataani naatsorsorneqartarlutik.

Innuttaasut minnerpaamik 16-inik ukiullit tamarmik, Naatsorsueqqissaartarfik ilinniagaqarsimanermut paasissutissanik peqanngippat, meeqqat atuarfianni 10.klassimik naammassinnissimasutut naatsorsuutigineqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi, ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Naatsorsuineq

Innuttaasut ilinniagaqarsimassusaannut kisitsisaataasivimmi tabelit ilinniakkap qaffasissusaanut, kommuninut, sumiiffinnut, suaassutsinut aammalu ukiunut agguaanneqarput. Taassumalu saniatigut najugaqarfinnut, ilinniagaqarfinnut aammalu nuna inunngorfik malillugu immikkoortiterneqarlutik.

Killiliinerit erseqqissagassallu

USF-imi ilinniartunut nalunaarsuisarneq 1980-ikkut aallartinneranni nalunaarsuutit atorlugit 1987-imi aallartippoq, ukiunili siuliini ilinniakkanik ataasiakkaanik aamma imaqarluni. Taamaattumik piginnaasaqalersitsisumik ilinniarsimasut 1970-ikkullu aallartinnerat sioqqullugu inunngorsimasut paasissutissaat naammattuaannanngillat. Innuttaasullu utoqqaanerusut akornanni kisitsisitigut paasissutissat ikinaagaanannik isumaqarpoq.

Taamatuttaaq nunani allani innuttaassusillit Kalaallilu Nunaanni/Danmarkimi ilinniagaqarsimanngitsut imaluunniit Danmarkimi najugaqarsimasut assersuutigalugulu ilinniakkaminnik Styrelsen for Forskning og Uddannelse-mi akueritissimasut paasissutissaqarfigineqanngillat. 2018-imi innuttaasut 16-it 74-illu akornanni ukiullit 2,0 pct.-ii nunani allani innuttaassuseqarput saniatigullu Kalaallit Nunaanni inunngortuunatik ilinniagaqarsimassusaallu nalunaarsorsimanani.

Erseqqissaatigineqarpoq pineqartut malillugit kisitsisitigut paasissutissat nalilersorneqarnissaat.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginiffissaq
Emil Malta
E-mail: emim@stat.gl
Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

